

## Neujahrsansprache 2023 des Bürgermeisters

Im Kulturstadl da vorn stehn  
Is a für mi jeds mal wieder schen  
dem Kulturstadl Team an schen Dank  
Da herinn fürn ersten Neujahrsempfang

Unsere engagierten Funktionäre san fast alle da  
Des einladen war schwierig – i hoff es geht neamt a  
Zwoa Jahr is ja leider koaner gwen  
Drum gibt's heit wieder mehr zum reden

Wir blicken zruck aufs 22er Jahr  
und san dankbar, dass fast wieder so wie früher war  
De Fuaßball Meisterschaft wird wieder gspült  
de Verlierer san meist aufn Schiri wüld  
Stockschießn und am Frühschoppen gehen  
is schon abganga und wieder schen  
Des Bezirkssportfest in da Geng derf wieda sein  
Da tuans se vor allm de Kinder gfrein  
De Diretissima geht wieder weit  
Dös fort gehen macht wieda a Freid

Und natürli a da Leonhardiritt  
Abt Fellhofer machat seit drei Jahr schon mit  
hat wieder sei würdige Feier  
des mal verantwortlich Frau Mair

Im neichn Kulturstadl a Musikkonzert  
des Musical Blutsbrüder von de Lichtenberger war sehenswert  
des Oktoberfest der Landjugend is erfolgreich gwen  
über de Veranstaltungen im Kulturstadl kannst nur positiv reden

Des zam arbeiten in da Gemeinde is a Freid  
Da geht was weiter für de Leit  
Da Amtsleiter werkt fast Tag und Nacht  
Da Bauhof hat vül weiterbracht

Nach extrem langem hin und her  
Da Geh und Radweg, der war schwer  
Geduld war da wirkli gfragt  
wern de schönsten Kinder wia ma sagt

Ganz überraschend gibt im Frühjahr da Dominik in VIZE a  
Er is jetzt amal - als Papa da  
Da derf ma herzlich gratuliern  
danke fürs gestaltn und moderiern  
für Zukunft wolln ma aber hoffen  
so an Junga hab i nu koan bessern troffn

als Vize wenn finden, des war schwer  
für de erste Reih, gibt se heit kaum wer her  
guat das se dann d Lisi traut  
und de nächsten Jahr mit mir nach vorne schaut.

Da Glasfaserausbau is jetzt wahr  
fertig wird's in de nächsten 2 – 3 Jahr  
Da Max und da Dominik ham se da eini ghaut  
4 Millionen Euro wern bei uns verbaut

Agenda is wieder erwacht zum leben  
9 Arbeitskreise tuats jetzt geben  
Wolln ma für de Gestaltung vom Ortsplatz des beste hoffen  
De Nachhaltigkeit und Nahversorgung is nu recht offen  
in da Geng soll zur Insel a Bruckn entstehen  
Am Gymnastikweg was weitergehen  
Mehr Busse solln nach Eidenberg fahren  
Beim Spielplatz derf man net zvil sparen  
Erneuerbare Energie is das Gebot der Stunde  
A fürs Wohnen gibt's a engagierte Runde  
A Gruppn tuat a Krippn bauen  
De Gemeinderäte wern beim Leitbild schau

Ganz wichtig muas uns aber de Wasserversorgung sein  
net nur da anwesende Hofrat tat se gfrein  
und i kann versprechen mir suachn bald  
danke beim Abt für de Zusage – in eichan Wald

Da Pfarrgemeinderat bemüht se sehr  
De Messbesucher werdn nimmer mehr  
Dawei solln se ja bei uns nu 2 Kirchn fülln  
Do Junga ham an andern Wülln  
De guate alte Zeit is in Gefahr  
Es wird wohl anders werdn wias gestern war  
Danke an de Wortgottesdienstleiter und unsern Diakon  
Ihr machts es wirkli guat - für Gottes Lohn

Unsa Abt gibt eh schon überall sein Segen  
den Borkenkäfer muas er jetzt a nu mögen  
Den Eidenberger Hochwald soll er jetzt retten  
Alls wanns dafür neamd andern hättn

Unsere Feuerwehrr ham a ruhigers Jahr  
22 koa größeres Unwetter war  
Sorgen macht da neiche Tanklöschwagen  
Da Max tuat akribisch bei Mercedes fragen  
wann de Steuerung jetzt wirklich geht  
und dem Segen nix mehr im Wege steht

Die Eidenberger Leitung der LJ Gramastetten is heit des erste mal beim Neujahrsempfang  
Dran denkt hab i bei eure Aktionen schon jahrelang  
Trotz Corona Vorgaben machts de größten Vereins Aktivitäten  
Da wann de Gramastetter de Eidenberger net hätt. n.  
Dominik - aber ihr seids erst Helden  
2021 den Maibam in da eigenen Gemeinde stehln  
Wia guat das de Kathi a Machtwort spricht  
über de Gemeindegrenze fährt der Maibaum nicht

Da Märzinger Otto hat in über 30 Jahr mit Bedacht  
aus da Bücherei a Lebenswerk draus gmacht  
Bei da großen Ehrung und Dankesfeier  
Gibt er d Leitung an Rois Michaela weiter

Beim Daschlmoar is schon am Haus  
ohne Ökonomierat kemmans da net aus  
Im Oktober hamma in Charly gratuliert  
Das er in Aschberg aktuell da 2. Ökonomierat wird.

Da Schwierz Thomas ist zwo facher Obmann vom Kameradschaftsbund  
Mit 2 Ortsgruppen geht's in da Pension so richtig rund

Unser Volksschuldirektorin d Ilona die Herausforderung net scheut  
Als Clusterdirektorin jetzt Eidenberg und Gramastetten betreut

Da MPW hat den Wirtschaftsbund übernumma  
A junges Team is nacha kumma

Mit da gesunden Gemeinde kannst jetzt in Wald baden gehn  
Sogar ohne Wasser wirst da wieder schen

In de schwierigen letzten Jahr  
Besonders unsa Musi a Aktivkörper war  
Konzerte so balds wieder geht  
Als Obmann da Andi dahinter steht  
Und er macht des a mit de Junga wirkli guat  
A wann Bettina allweil ganz anders tuat

Abschließend nu amal danke - fürs miteinander bei da Pfarr  
Bei unsere Feuerwehren für de Stunden im vergangenen Jahr  
Bei de Musi für de musikalischen Klänge  
Bei den Chören für die schönen Gesänge  
Bei unsere zwoa großen Sportvereine  
Jeder tuat in da Jugendarbeit a dös seine

Und a bei alle andern Vereine und Organisationen  
de Jugendarbeit tuat se sicher für de Zukunft lohnen  
Lass ma a in de nächsten Jahre net nach  
dös Eidenberger Vereinsleben is a starke Sach

Buagermoaster sein is oft net leicht  
Gemeinsam hamma aba schon vül erreicht  
Und solang mir nu Zeit bleibt so wie heit zum dichten  
und vor allem meine sozialen Gschichten  
mach is a weiterhin nu recht gern  
und ihr werds nu öfter von mir was hern

**Wünsche** fürs 2023 gibt's vül  
Frieden und Gesundheit is des höchste Zül  
Und vor allem vül Unterstützung von eich  
**Dann wird a 2023 an Erfolgen reich**

**Adi Hinterhölzl**